

**TEZĂUR LITURGIC**  
**12 NOIEMBRIE**

**ACATISTUL**  
**SF. IERARH**  
**IOAN V**  
**CEL MILOSTIV,**  
**PATRIARHUL**  
**ALEXANDRIEI**



**MOSCOVA, 2000**



# **Акафист**

## **святителю Иоанну**

### **Милостивому, патриарху**

### **Александрийскому**

---

#### **Кондак 1**

Избра́нный от ми́ра предивный уго́днице  
Христо́в, ве́ры и и́стины благове́стниче, ихже,  
я́ко до́брый се́ятель на ни́ве Христо́вой, в сердца́  
ча́д Бо́жиих усер́дно все́ял еси́, не преста́й  
моля́ся за ны́ ко Го́споду дарова́ти земли́ на́шей  
ми́р и безмяте́жие, Це́ркви святе́й от ересей и  
раско́лов огражде́ние, да твои́ми моли́твами от  
бе́д избавля́еми, благода́рно зове́м ти́:

Ра́дуйся, Иоа́нне, ми́лостивый святите́лю.

#### **Икос 1**

А́нгела, пламене́юща ду́хом и во плóти су́ща  
челове́ка, избра́ тя Го́сподь бы́ти служи́телем  
Це́ркви святе́й и овца́м своим па́стырем  
до́брым, от ю́ности бо твоея́ Бо́гу еди́ному  
се́рдцем и душе́ю прилежа́л еси́. Мы́ же, име́я в

тебе́ образ па́стыря предивна, уми́льно взыва́ем  
ти́:

Ра́дуйся, земли́ Кипрския́ благо́е  
произраста́ние; ра́дуйся, и́го Христо́во с  
ра́достью восприя́вый.

Ра́дуйся, в незло́бии се́рдце свое́ соблюды́й;  
ра́дуйся, всею́ душо́ю Бо́га возлюбивы́й.

Ра́дуйся, Тому́ ре́вно́стно послужи́вый;  
ра́дуйся, па́стырю́ Бо́гом избра́нный.

Ра́дуйся, благода́тию архиере́йскою  
увенча́нный; ра́дуйся, Не́ба церко́внаго  
украше́ние.

Ра́дуйся, Ио́анне, ми́лостивы́й святи́телю.

## Конда́к 2

Ви́дяще тя́ па́стыря по́двигом до́брым  
подвиза́ющася и, «а́ки елѣнь на исто́чницы  
водны́я», к Бо́гу устремля́ющася, ста́до же свое́  
сло́вом Ева́нгельским, а́ки а́нгельским хле́бом,  
оби́льно пита́юща, святи́телю о́тче на́ш Ио́анне,  
умиля́емся се́рдцем и душо́ю, благода́ряще Бо́га,  
дарова́вшаго на́м тебе́, па́стыря на ниве́  
церко́вней ве́рна и стра́жа ове́ц Его́ приле́жна, и  
зовѣм Ему́: Аллилу́иа.

## И́кос 2

От ю́ности твоея́, святи́телю наш Иоа́нне, орлу́  
уподо́бился еси́, от мирскія́ суе́ты к высоте́  
небе́сней воспарі́в, да пости́гнеши глубины́  
прему́дрости Бо́жия и в све́те и́стиннаго  
Богове́дения ста́до твоё му́дро просвети́ши. Мы́  
же наставля́еми тобо́ю покланя́тися Бо́гу, в  
Тро́ице сла́вимому, воспева́ем ти́ похва́лы сия́:

Ра́дуйся, процветы́й я́ко фі́нікс  
многопло́дный; ра́дуйся, до́бр о́браз ве́рным  
показа́вый.

Ра́дуйся, Прóмыслом Бо́жиим прі́сно  
води́мый; ра́дуйся, прему́дрость Бо́жию  
обреты́й.

Ра́дуйся, Необъя́тнаго ра́зумом ве́рою  
объя́вый; ра́дуйся, све́т и́стинный всём  
возвести́вый.

Ра́дуйся, и́стинному Богопозна́нию научи́вый;  
ра́дуйся, пра́вды Бо́жией глаша́таю.

Ра́дуйся, Иоа́нне, ми́лостивый святи́телю.

## Конда́к 3

Я́ко се́рна от тенё́т, от суе́ты ми́ра сего́ отбе́гл  
еси́ и к ино́ческому по́двигу потща́лся еси́,  
Христу́ Бо́гу непоро́чным жити́ем благоугоди́л

еси́, досто́блаже́нне о́тче на́ш Иоа́нне, в труде́х же и бде́ниях, от стра́жи у́тренния до но́щи дрема́ния ве́ждома твои́ма и сна́ очесе́м не дава́л еси́, сего́ ра́ди жили́ще Ду́ха Всесвята́го бы́ти сподо́бился еси́, в Тро́ице пева́емому Бо́гу, я́ко о́рган многостру́нный, непреста́нно воспева́л сладо́стное: Аллилу́иа.

### И́кос 3

Всеми́лостиваго Го́спода благососта́дательное милосе́рдие яви́ся тебе́, досточу́дне о́тче Иоа́нне, во о́бразе боголе́пныя отрокови́цы, от ма́слин вене́ц нося́щей, привлека́ющи тя подо́битися дея́ньми твои́ми Всеми́лостивейшему Влады́це; сего́ ра́ди и́мение свое́ непреста́нно расточа́л еси́ убо́гим и ни́щим, да бога́тство неисто́щимое приобря́щещи на Небесе́х. Мы́ же, ви́дяще тя ми́лостива помо́щника стра́ждущих и благоде́теля все́х су́щих в беда́х, вопие́м ти́ такова́я:

Ра́дуйся, милосе́рдию Бо́жию подража́вый;  
ра́дуйся, любвеобильный попечи́телю неду́жных.

Ра́дуйся, ми́лостивый па́стырю стра́ждущих;  
ра́дуйся, многопопечи́тельный о́тче в беда́х су́щих.

Ра́дуйся, ще́дрый да́телю прося́щим; ра́дуйся,  
безме́здный пита́телю си́рых.

Ра́дуйся, я́ко расточа́л еси́ мно́жество щедро́т.

Ра́дуйся, Иоа́нне, ми́лостивый святи́телю.

### **Конда́к 4**

Ви́дя Тя па́стыренача́льник Христо́с милосе́рдия  
ева́нгельскаго ревни́теля, служе́ния же и́стинно  
христиа́нскаго усе́рдна исполнителя́, поста́ви Тя  
я́ко свети́льника све́тла на све́щнице церко́вней,  
па́стыря изря́дна христоимени́тому ста́ду  
це́ркви Алекса́ндрійския, я́ко да богому́дро  
пасе́ши словесны́я о́вцы на па́житех зла́чных и  
от ересей па́губных их избавля́еши, да и ти́и,  
помина́юще оте́ческая наста́вления твоя́,  
воспою́т Бо́гу: Аллилу́иа.

### **И́кос 4**

Прия́в жре́бий апо́стольства от Го́спода твоего́,  
ча́да своя́ духо́вная уче́нием и оте́ческою  
любо́вию усе́рдно наста́влял еси́, яви́л еси́  
тако́жде о́браз ре́вностнаго исполне́ния де́л  
благотворе́ния, насыща́я алчу́щих, одева́я наги́х  
и подава́я утеше́ние все́м, су́щим в ско́рбех. Мы́  
же, сла́вяще до́бр о́браз трудо́в твои́х, ублажа́ем  
тя си́цевы́ми похва́лы:

Ра́дуйся, нѣвы Христо́вой вертогра́дарю  
вѣрный; ра́дуйся, де́л милосе́рдия тру́днице  
неутомимый.

Ра́дуйся, сло́ва Бо́жия до́брый се́ятелю;  
ра́дуйся, му́дрый учи́телю, просвеща́ющий  
вѣрных.

Ра́дуйся, лю́бовию оте́ческою пасо́мых  
объёмлющий; ра́дуйся, свети́льнице вѣры, все́х  
освеща́ющий.

Ра́дуйся, наста́вниче в добродѣтели  
всеусе́рдный; ра́дуйся, богому́дрый па́стырю  
словесных овец.

Ра́дуйся, Иоа́нне, ми́лостивый святи́телю.

### **Конда́к 5**

Путево́дней звездѣ уподо́бился еси́, Иоа́нне  
преподо́бне, указу́я все́м пу́ть к Ца́рству  
Небе́сному, егѣ́же и са́м стяжа́л еси́, и ду́шу  
твою́, я́ко го́рницу сио́нскую, Христу́, Но́вой  
Па́схе, угото́вал еси́, ю́же, ви́дя смире́нием  
по́стлану и добродѣтелию укра́шену, освяти́  
Пастыренача́льник архиере́йскою благода́тию.  
Ты́ же, я́ко Пе́тр Апосто́л, взыва́л еси́ Ему́:  
«Го́споди, Ты́ вся ве́си, Ты́ ве́си, я́ко люблю́ Тя»,  
непреста́нно поя́ Ему́: Аллилу́иа.



## И́кос 5

Апо́стольское учéние вéры и Божéственныя  
благодáти насле́дие имéя, святи́телю о́тче  
Иоáнне, не от челове́к зва́н бы́л еси́, но от  
десни́цы Бо́жией прия́л еси́ жре́бий служéния  
архиере́йскаго в Це́ркви святе́й, и брэ́мя сиé,  
я́ко крэ́ст Христо́в, на ра́мо твоé взéм, во вся́ком  
благоче́стии и чистоте́ словéсных ове́ц твои́х  
упа́сл еси́. Зря́ще тя па́стыря до́бра Це́ркви  
Христо́вой приле́жна, лю́дие с любóвию  
воспева́ху ти́:

Ра́дуйся, крóтостию и целому́дрием  
украше́нный; ра́дуйся, смиренному́дрием и  
любóвию возсия́вый.

Ра́дуйся, моли́твою чи́стою благоуха́яй;  
ра́дуйся, же́ртву чи́стую Бо́гу приноси́вый.

Ра́дуйся, приноше́ния твоя́ моли́твою  
освяти́вый; ра́дуйся, апо́стольскою ре́вностию  
объя́тый.

Ра́дуйся, по́двигом до́брым подвиза́выйся;  
ра́дуйся, я́ко в го́рном Сиóне пребыва́еши.

Ра́дуйся, Иоáнне, ми́лостивый святи́телю.

## Конда́к 6

Пропове́дует тя Цѣрковь Бо́жия стра́жа ве́рна  
ове́ц сло́весных, и́хже ты́ в безго́дие и дни́  
трево́лне́ния му́дре упáсл еси́, в ве́ре  
Правосла́вней до ко́нца́ соблю́л еси́ и моли́твою  
за вся́ пред же́ртвенником Госпо́дним предста́л  
еси́, па́стырю ми́лостивый Иоáнне, и та́ко  
просвети́ся свѣ́тъ тво́й пред челове́ки, и́же  
ви́деша до́брая дела́ тво́я и просла́виша Отца́  
Небе́снаго, вопи́юще Ему́: Аллилу́иа.

## И́кос 6

Возсия́л еси́, я́ко свети́ло неугаси́мое, горѣ́нием  
ве́ры и чистото́ю ду́ши твое́я во гра́де  
Алекса́ндрii, святи́телю Иоáнне, иде́же  
Па́стырена́чальник Госпо́дь поста́ви тя́ па́сти  
о́вцы Его́, и́мже ты́ вои́стину бы́л еси́ пра́вило  
жити́я чи́стаго и, я́ко стра́ж недрѣ́млющ, в ве́ре  
и́стинней па́ству свою́ утверди́л еси́, о́браз  
па́стыря до́браго оста́вив на́м, принося́щим ти́  
благохва́ле́ния сия́:

Ра́дуйся, бо́дренно сло́весныя о́вцы охра́няй;  
ра́дуйся, оте́ческою лю́бовию их утеша́й.

Ра́дуйся, огра́до их крѣ́пкая и несокруши́мая;  
ра́дуйся, лампа́до свѣ́тлая, в моли́тве  
неугаси́мая.

Ра́дуйся, Правосла́вныя ве́ры и́стинный ревни́телю; ра́дуйся, плéвелов ве́ры и нечéстия искорени́телю.

Ра́дуйся, пра́вило жи́зни ве́рным явля́яй; ра́дуйся, и́стины и пра́вды наста́вниче.

Ра́дуйся, Иоáнне, ми́лостивый святи́телю.

### **Конда́к 7**

Хотя́й все́м челове́ком спасти́ся, ты́ все́м вся́ бы́л еси́, да, я́коже Па́вел, Христу́ все́х приобря́щеши, святи́телю о́тче Иоáнне, апо́стольскими бо стопа́ми гра́ды и ве́си проходи́л еси́, зно́й и мраз претерпева́я, бога́тых и убо́гих, злы́х и до́брых посеща́л еси́, о́вых к целому́дрию, о́вых к братолю́бию призыва́я, а ине́х стра́хом Бо́жиим па́стырски вразумля́я, заблуждших же и косне́ющих в е́ресех и раско́лах оте́чески облича́л еси́ и в ве́ре Правосла́вней утвержда́л еси́, да вси́ еди́неми усты́ и еди́ным се́рдцем пою́т Триади́ному Бо́гу: Аллилу́иа.

### **И́кос 7**

Я́ко го́лубя яви́ тя Госпо́дь, святи́телю Иоáнне, не ве́твь бо ма́сличную, но благове́стие ева́нгельское су́щим в ковче́зе церко́внем приноси́л еси́ и усты́ Дави́довы к Бо́гу взыва́л

еси: «Да вни́дет пред Тя моли́тва моя́, приклони́  
у́хо Твое́ к моле́нию моему́». Помяни́ у́бо и на́с,  
чту́щих тя́ зва́нии си́ми:

Ра́дуйся, непреста́нныя моли́твы Бо́гу  
приноси́вый; ра́дуйся, ча́д своих стра́хом  
Бо́жиим вразуми́вый.

Ра́дуйся, пока́йныя их воздыха́ния Бо́гу  
возноси́вый; ра́дуйся, в гове́нии вкуша́вый  
а́нгельскую сла́дость.

Ра́дуйся, терпе́нием обреты́й ева́нгельскую  
ра́дость; ра́дуйся, ковче́же, преиспо́лненный  
благадо́тию.

Ра́дуйся, Та́йны Христо́выми освяще́нный;  
ра́дуйся, Та́инств Бо́жих дивный строите́лю.

Ра́дуйся, Иоа́нне, ми́лостивый святите́лю.

### **Конда́к 8**

Чу́дно творя́й пути́ нашего́ спасе́ния  
Человеколю́бец Госпо́дь, ви́дя тя́ па́стыря овец  
своих приле́жна и Правосла́вныя ве́ры  
храните́ля тве́рда, а́ки ро́су на руно́ Гедео́ново,  
дарова́ тя па́стыря изрядна́ своея́ па́жити,  
святите́лю Иоа́нне, увенча́ земно́е стра́нствие  
твое́ венце́м нетле́ния и поста́ви тя́ пред  
Престо́лом Сла́вы Своея́ моли́твенника о на́с,

грѣшных, тѣпла. Сего ради, Богу, во благо вся устрояющему, со умилением зовѣм: Аллилуиа.

### И́кос 8

Всего́ себѣ в рѹце Бо́жии преда́вый, к па́стве твое́й смире́нно стопы́ своя́ напра́вил еси́, в не́йже бы́л еси́ убо́гим прибе́жище и бе́дствующим изба́вление, ю́ным чистоты́ и целому́дрия до́брое наста́вление, вдови́цам и си́рым благо́е попече́ние, неради́вым ча́дом вразумле́ние и во озлобле́нии су́щим незло́бивое обличе́ние, Це́ркви Христо́вой от вся́кия напа́сти му́дрое защище́ние, все́х прибега́ющих к тебѣ утеша́я и благопотре́бная им ко спасе́нию подава́я. О се́м приими́ от нас, почита́ющих па́мять твою́, похва́лы такова́я:

Ра́дуйся, сокрови́ще твое́ до́бре расточи́вый;  
ра́дуйся, пла́менне па́ству Христо́ву возлюб́ивый.

Ра́дуйся, же́ртвенную любóвь па́стве яви́вый;  
ра́дуйся, в бли́жних свои́х Го́спода возлюб́ивый.

Ра́дуйся, Го́споду своему́ ве́рно послужи́вый;  
ра́дуйся, архиере́ю Бо́жий, свы́ше просла́вленный.

Ра́дуйся, ие́ра́рше Хри́стов, ве́нцем сла́вы  
уве́нчаннѣй; ра́дуйся, я́ко над мно́гими поста́ви  
тя́ Госпо́дь.

Ра́дуйся, Ио́анне, ми́лостивый святи́телю.

### Конда́к 9

Вси́ лю́дие христоиме́нитыя па́ствы ви́деша тя́,  
па́стыря свое́го, смире́нием и ми́лосе́рдием  
сия́юща, просла́виша Бо́га, святи́телю о́тче  
Ио́анне; ты́ же, любóвию к ним испо́лненный,  
я́ко о ча́дех своих, слéзныя моли́твы Бо́гу де́нь и  
но́щь излива́л еси́. Сего́ ра́ди лю́дие твои́,  
умиля́ющеся се́рдцем и душе́ю, воспева́ху Бо́гу,  
дарова́вшему им тако́ваго святи́теля дивна:  
Аллилу́иа.

### И́кос 9

Ка́ко восхва́лим по досто́янию вы́соту смире́ния  
твое́го, святи́телю Ио́анне, имже укроти́л еси́  
прего́рдаго кли́рика твое́го, я́ко к нему́,  
ды́шущему зло́бою на тя́, ты́ у алтаря́ Госпо́дня  
поклони́лся еси́, крóтко прося́ у него́ прощéния.  
Сим смире́нием своим ты́ па́че громогласных  
словéс обличи́л еси́ его́, я́ко то́й, пла́ча и рыда́я,  
позна́ грéх сво́й, раская́ся и за богоуго́дное  
житиé сподо́бися священна́го зва́ния. Мы́ же, от  
злыхъ дéл своихъ посрамля́еми, дерза́ем в

покая́нии зва́ти Бо́гу: «Го́споди. Да́руй ми́ зре́ти  
моя́ прегре́шения и не осужда́ти бра́та моего́»,  
тебе́ же приноси́ти похва́лы сицева́я:

Ра́дуйся, сосу́де и́стиннаго смире́ния;  
ра́дуйся, любве́ нелицеме́рных рачи́телю.

Ра́дуйся, а́гнче незло́бивый, ко́зни вра́жия  
попра́вый; ра́дуйся, кро́тостию твоёю  
досаждё́ния покрыва́вый.

Ра́дуйся, ропта́ние и злохуле́ние  
возненави́девый; ра́дуйся, терпе́ние кре́пкое  
стяжа́вый.

Ра́дуйся, кади́ло чи́стаго благоуха́ния;  
ра́дуйся, свети́льниче неземна́го сия́ния.

Ра́дуйся, Иоа́нне, ми́лостивый святи́телю.

### **Конда́к 10**

Повеле́ Госпо́дь хотя́щим спасти́ ду́шу свою́ –  
погуби́ти ю́ ра́ди друго́в своих. Ты́ же, святи́телю  
Иоа́нне, ду́шу твою́ о па́стве твоёй полага́л еси́ и  
до кончи́ны жития́ же́ртву Безкро́вную за вся́  
люди́ Бо́гу принося́, в кро́тости душе́вной взыва́л  
еси́ к Нему́: «Го́споди, на́с же всех, от еди́наго  
Хле́ба и Ча́ши причаща́ющихся, соедини́, и ни  
еди́наго на́с осужде́ния сотвори́, но да обря́щем  
ми́лость и благода́ть со все́ми святи́ми, от ве́ка

Тебѣ благоугодѣвшими, во ѣже звати Тебѣ: Аллилуѣа».

## И́кос 10

Светозáрную звезду́ Христосъ ты́ на высотѣ церковней яви́, о́тче Иоáнне, я́ко апóстольский престолъ украси́л еси́ изрядно дѣлы божественными; милосѣрдием же и мѣлостынею пáче всѣх милосѣрдием возсия́вших святыхъ наре́кся еси́«Мѣлостив»: обогати́ бо ты́ зело́ подáтель благихъ Христосъ, и жити́е твоѣ, пáче со́лнца возсия́вшее, милосѣрдия испусти́ лучи́ трѣбующим, отгоня́ющия тѣмный о́блакъ нищеты́, всебогáте. Сего́ рáди мы́, озаря́еми немѣркнущим свѣтом милосѣрдия твоего́, вопи́емъ ти́ си́це:

Рáдуйся, страннолю́бче щѣдрый и плѣнныхъ свободи́телю; рáдуйся, про́шения обременѣ́нныхъ ско́ро исполня́й.

Рáдуйся, слѣзы ча́д своихъ мѣлостію осуша́яй; рáдуйся, жити́е твоѣ в милосѣрдіи проводи́вый.

Рáдуйся, преизоби́льное милосѣрдие на́м яви́вый; рáдуйся, добродѣ́тельми тво́ими Бо́гу благоугоди́вый.



Ра́дуйся, стра́же ве́рный, блага́ Цѣркви  
соблюда́яй; ра́дуйся, сосу́де моли́тв, и́миже  
де́моны дале́че отступа́ют.

Ра́дуйся, Иоа́нне, ми́лостивый святи́телю.

### **Конда́к 11**

Небе́сный гласъ: «Ца́рь Царе́й зоветъ тя́ к Себе́»  
слы́шати сподо́бился еси́, святи́телю Иоа́нне,  
егда́ прибли́жися кончи́на жити́я твоего́. Бо́г  
упра́ви стопы́ тво́я на Кипр, иде́же ты,  
достигну́в оте́ческаго гра́да твоего́ Амафу́нта, в  
ми́ре предста́вился еси́ ко Го́споду, вознеся́ ему́  
моли́тву: «Благодарю́ Тя, Го́споди Бо́же мой, я́ко  
сподо́бил мя еси́ принести́ вся Тво́я Тебе́, Ему́же  
ны́не предаю́ и ду́шу мою́». Мы́ же, ве́द्याще я́ко  
Бо́г по блаже́нней кончи́не твое́й дивно́  
просла́ви тя́, со умиле́нием серде́ц вопи́ем Ему́:  
Аллилу́иа.

### **И́кос 11**

Свети́ло пресве́тлое Цѣркви Христо́вой возсия́л  
еси́, святи́телю Иоа́нне, в жити́и бо тво́ем и по  
преставле́нии к Небе́сным ча́д твои́х не  
оставля́еши, но ру́це моле́бнии ко Христу́  
воздева́еши о на́ших гресе́х и о все́х лю́дех, и  
та́ко гне́в Бо́жий, пра́ведно на ны́ дви́жимый,  
моле́нием твои́м умило́стивля́еши и вре́мя на

покая́ние дарова́ти на́м Его́ умоля́еши, да не  
 безпло́дны яви́мся пред лице́ Судии́ Пра́веднаго,  
 но я́коже му́дрыя де́вы, со свети́льники ве́ры  
 испо́лненными. Сего́ ра́ди тебе́, пред Бо́гом  
 при́сному о на́с предста́телю, вседуше́вно  
 взыва́ем:

Ра́дуйся, зако́снелую со́весть в на́с  
 пробужда́ющий; ра́дуйся, в ева́нгельстей и́стине  
 на́с утвержда́ющий.

Ра́дуйся, к чистоте́ се́рдца на́с призыва́ющий;  
 ра́дуйся, трапе́зою духо́вною на́с пита́ющий.

Ра́дуйся, в невече́рном дни́ дивно́ сия́ющий;  
 ра́дуйся, с ли́ки А́нгельскими обита́ющий.

Ра́дуйся, в моли́твах о на́с не умолка́ющий;  
 ра́дуйся, предста́телю на́ш у Престо́ла Бо́жия.

Ра́дуйся, Иоа́нне, ми́лостивый святите́лю.

### **Конда́к 12**

Благода́ти неиспове́димо́е зна́мение яви́ на́м  
 Госпо́дь, украси бо сла́вный гра́д Александрию́,  
 я́ко Ковче́г Завета́ в дре́вней Ски́нии двема́  
 Херуві́мы, столпа́ми и́стины и любве́:  
 святите́лем Афана́сием, безбоя́зненным  
 блюсти́телем пра́вила ве́ры, и уго́дником Свои́м  
 Иоа́нном, о́браз на́м милосе́рдия явля́ющим, си́м

показу́я, да всі ве́рнии свя́то храня́т істи́ну и пребы́вают в любви́, укрепля́ются в Правосла́вней ве́ре и в ра́дости душе́вной вызы́вают Триеди́ному Бо́гу: Аллилу́иа.

## И́кос 12

Пою́ще ве́лия и пресла́вная чуде́са твоя́, святите́лю Христо́в Иоа́нне, почита́ем свяще́нную па́мять твою́ и благоговейно мо́лим тя́, во е́же ми́лостивно дарова́ти на́м мно́гая душа́м на́шим полёзная и ко спасе́нию потре́бная. Мы́ же, име́я тя́ неусы́пна пред Бо́гом о на́с предста́теля и засту́пника, благода́рне зове́м ти́ такова́я:

Ра́дуйся, Христо́м Бо́гом возлю́бленный; ра́дуйся, те́плый пред Бо́гом предста́телю.

Ра́дуйся, упова́ние призыва́ющих тя́ с ве́рою; ра́дуйся, о ча́дех Бо́жиих ве́рный попечи́телю.

Ра́дуйся, от вся́ких на́с бе́д покрыва́яй; ра́дуйся, пропове́днице ми́ра Бо́жия.

Ра́дуйся, апо́стольския ве́ры тве́рдый храни́телю; ра́дуйся, Правосла́вия неустраши́мый испове́днице.

Ра́дуйся, Иоа́нне, ми́лостивый святите́лю.

## Конда́к 13

Овсеблаже́нне па́стырю на́ш, святи́телю о́тче Иоа́нне, приими́ ма́лое си́е моле́ние на́ше, с любо́вию тебе́ приноси́мое, и умоли́ Христа́ Бо́га, да изба́вит на́с от вся́ких бе́д, скорбе́й и напа́стей, и ми́ром неизы́блемым жи́знь на́шу да оградíт. Це́рковь же святую́ Свою́ от раско́лов и нестро́ений соблюде́т, и вся́ люди́ Своя́ ко единомы́слию ве́ры и любве́ к Себе́ приведе́т, во е́же в невече́рнем дни́ Ца́рствия Его́ всегда́ воспева́ти Ему́: Аллилу́иа.

Этот конда́к читается трижды, затем и́кос 1-й и конда́к 1-й.

## Моли́тва

Святи́телю Бо́жий Иоа́нне, ми́лостиве за́щитниче си́рых и су́щих в напа́stech. К тебе́ прибега́ем и тебе́ мо́лимся, я́ко ско́рому покрови́телю все́х и́щущих от Бо́га утеше́ния в беда́х и ско́рбех. Не преста́й моля́ся ко Го́споду о все́х с ве́рою притека́ющих к тебе́. Ты́, преиспо́лнен сы́й Христо́вы любви́ и бла́гости, яви́лся еси́ я́ко чу́дный черто́г добродете́ли милосе́рдия и стяжа́л еси́ себе́ и́мя «Ми́лостивый». Ты́ бы́л еси́ я́ко река́, непреста́нно теку́щая ще́дыми ми́лостями и

всѣхъ жаждущихъ обильно напаяющая. Вѣруемъ, яко, по преселѣнии отъ земли на Небо, усугубися въ тебѣ даръ благодати сея и яко содѣлался еси неисчерпаемый сосудъ всякия благодѣтели. Сотвори убо твоимъ ходатайствомъ и заступлѣниемъ предъ Богомъ «всякия утѣхи», да вси, прибегающіи къ тебѣ, обрѣтаютъ миръ и безмятежіе: даруй имъ утѣшеніе въ печалехъ временныхъ и посobie въ нуждахъ житейскихъ, вселивъ въ нихъ надежду вѣчнаго упокоенія во Царствіи Небеснемъ. Въ житіи твоёмъ на земли ты былъ еси пристанище всемъ сущимъ во всякой бѣдѣ и нуждѣ, обидимымъ и недугующимъ; ни одинъ отъ притекавшихъ къ тебѣ и просившихъ у тебѣ милости лишѣнъ бысть твоея благодѣтели. Тожде и нынѣ, царствуя со Христомъ Богомъ на Небесѣхъ, яви всемъ покланяющимся предъ честною твоею иконою и молящимся о помощи и заступлѣнии. Не точию самъ ты творилъ еси милость беспомощнымъ, но и сердца другихъ воздвигалъ еси ко утѣшенію немощныхъ и къ призренію убогихъ. Подвигни убо и нынѣ сердца вѣрныхъ къ заступлѣнію сирыхъ, утѣшенію скорбящихъ и успокоенію неимущихъ. Да не оскудеваютъ въ нихъ дары милости, паче же да вселится въ нихъ миръ и радость о Дусѣ Святе во

сла́ву Го́спода и Спа́са на́шего Иису́са Христа́, во  
ве́ки веко́в. Ами́нь.

